



**HORATII TVRSELLINI || ROMANI || E SOCIETATE IESV ||
LAVRETANAЕ HISTORIAE || LIBRI QVINQVE. ||**

Torsellini, Orazio

Romae, 1597

Cap. 15. S. Domus cælestibus flammis celebrior redditur.

[urn:nbn:de:hbz:466:1-64112](https://nbn-resolving.de/urn:nbn:de:hbz:466:1-64112)

portis, vijsque ad Lauretanam Aedem contendere cœperunt. Nec firmi tantum, ac valentes procurrere, sed etiam ægri & imbecilli, neglecto medentium imperio, prorepere ipsi si possent, sin minus, ab alijs, vt cumque se iubere deferri. Cæterum ex plerisque Piceni vrbibus, oppidisque paulo opulentioribus, populi linteati pluribus agminibus, tanquam cohortes sub signis, incedebant insignibus, coloribusque distincti. Qui certatim Deo, Deique parenti carmina canentes, symphoniarum, tympanorum, tibiarum cuncta circum loca festo complebant sono. Hos deinceps misti mulieribus, pueri, puellæque uno velut agmine sequebantur. Ad facillum Virginis, vt ventum est (quoniam loci angustiæ tantam hominum multitudinem excludebant) in ipso conspectu sanctissimæ Domus, submissis genibus tanti munera largitorem vniuersi pariter adorant. Exinde ad agendas Deo Deiparæque grates versi, in tanta malorum, partim instantium, partim vrgentium mole, pacem ac veniam precibus exposcunt. Ipsamque Dei parentem enixius orant, vt quoniam Piceno cladibus afflito voluntariam se Patronam obtulerit; Picentes in suam fidem, tutelamque recipiat: & volens, ac propitia suam semper sospitet gentem. Nec inane tutelæ, clientelæque nomen fuit. Ex eo tempore, & B. Maria certissimam se Picentibus Patronam, & illi vicissim se deuotos B. Mariæ clientes perpetuo præbuere, Lauretana eius Aede non solum ornanda, sed etiam tuenda.

Sacra Domus cœlestibus illustrata flammis in dies magis celebratur. Cap. XV.

NAm quotidianis in salute humanis corporibus redenda miraculis, interdum accedebant prodigia cœlestia haud dubiè significantia B. Virginem Picentibus adesse. Visa non semel est per noctem subita de cœlo effundi

Herr. Ang.

Lauretum
pagus con-
ditur.S. Anton. p. 3
Plati. Bonif.
Io. Vill. li. I.

fundi flamma, quæ primo velut pluribus sparsa locis coruscabat, deinde vno quasi facto agmine, ad Deiparę celam tendens omnia circum cælesti luce complebat. Visum etiam saepe crebris luminibus collucere tectum summa cū admiratione, lætitiaque intuentium. Angelorum manum ad cælestis reginæ domum excubantium videre te crederes. Ergo Recinetensis Antistes, in cuius diœcesi is locus erat, ad religionem id pertinere ratus pro officij sui ratione Bonifacium VIII. Pont. Max. tota de re certiore facit. Impetrata ab eo Lauretani facelli procuratione, optimum factu existimauit, laxare spatium aduenis. Extemplo igitur solum quod circa Aedem erat, Recinetensem dono consecrat Virgini. Cum areæ spatio etiam loci celebitas aucta. Excipiendis quippe hospitio peregrinis (qui ante id tempus conferti sub dio cubitabant in via) casæ primum, ac tuguria; inde tecta exstrui cœpta. Et quoniam dorsum inæquale vtriusque collis (interiacente pressertim conualle) haud sane commodam præbebat ædificijs sedem; duorum fratum collis plus æquo eminens æquatus: conuallis expleta: dorsum dilatatum, ut excitans circa viam tectis æqui spatij satis foret. Ita breui haud infrequens qua sylvestribus tectis, qua domibus extitit pagus in dorso collis vtriusque porrectus. Pago Lauretum nomen inditum: ut ab eadem illa Laureta, quæ B. Virgini vnicè dedita fuerat, appellaretur ædes, pagusque. Hospitiorum opportunitas loci religioni iuncta mire hospitum, aduenarumque frequentiam auxit. Cui quidem noua subinde res celebritatis adiecit vel plurimum. Per id tempus Bonifacius VIII. Pont. Max. (cuius Pontificatum sacræ Domus in Italiam aduentus insignem fecerat) ingentibus terræ motibus, cladibusque partim illatis, partim impendentibus Italix commotus, ad auertendam cælestem iram curas omnes intendit. Salubri ergo consilio secularem annum (Iubilæum vocamus) vel instituit, vel instaurauit, Apostolorum Petri & Pauli limina ritè adeuntibus

tibus delictorum omnium indulgentiam largiens. Itaque ipso anno post Christum natum M. CCC. qui primus Iubilæi celebritate insignis fuit, noui Pontificalis beneficij fama in omnes orbis Christiani regiones perlata incredibilem omnium gentium, totiusque occidentis exciuit sedibus suis molem. Quippe tanti vndique cunctarum nationum concursus ad Vrbem facti aduenarum, ut multitudinem Vrbs quamuis ampla vix caperet. Nullus pene dies abibat, quin Vrbs ducenta peregrinorum millia hospitio exciperet, præter innumerabilem multitudinem, quæ erat in via. Horum igitur plurimi præsertim, quibus Recinetum minimè deuium erat, miraculorum fama exciti ad Aedem Lauretanam vtique diuerterunt, testes ac nuntijs suis quisque popularibus futuri eorum, quæ de tam inusitato, inauditoque miraculo, non tam aliorum sermonibus accepissent, quam suis ipsimet oculis haussissent.

Parietes sanctæ Domui pro fulcimento adiecti recedunt: his tamen amplæ porticus applicantur. Cap. X V I.

Hier. Ang.
Bapt. Mant.
Intra hæc Recinetenses tantis populorum concursibus accensi sacrosanctum facellum impensius colere, tuta- rique institerunt. Videbant parietes, & tenues, & perantiquos tot iam sæcula stare sine ullo penitus fundamento. Ingens ergo eos incessit cura veritos, ne paulatim temporum iniuria, procumbentibus parietibus, augustissima orbi terræ sedes Virginis pessum iret, rueretque. Itaque optimum facturati, ædem specie ruinosam (quoad humana arte atque industria valerent) vndique communire, iactis quantum res ferebat, fundamentis, lateritio eam pariete circundant. Fama est haud dubijs vulgata autho- ribus, nullo modo potuisse nouam substructionem cum sa- cris parietibus cohærere. diceres sacram Domum diuina vi sub-

Tradit. Lan.
Bapt. Mant.